

中華民國二十三年


石埭縣山川志初稿

石定然



說明 每格代表一百方里 河流藍色表示通航地段綠色表示通船地段

石埭縣山川形勢一覽圖




例圖

橋	道路	區界	縣界	河流	山脈
津渡	學校	區公所	普通	通鄉	縣治
文	公	●	●	■	

民國二十三年二月里人陳碩梁製繪

672.2239
379



石埭縣山川志初稿

里人 陳頌梁 編訂
倪文頌

民國二十二年



山分幹支。水有源委。然辨山之幹支必以水。明水之源委必藉山。舊志山川地勢未詳條理。無以辨山向而明水流。編者謹以實地探訪所得。輯成是篇。山則先叙來脈去勢。次及峯巒勝蹟。水則先叙本源歸宿。次及溪流情況。順序記述。差有系統可尋。吾鄉不乏明達之士。異日倘能就而詳加測量。予以訂正。是尤編者所願望而企以俟之者也。

山脈

皖南為黃山山脈盤結地。其正幹自祁黟交界之釣魚嶺折而東。經黟之方家嶺石孟山章山。轉東北至黟縣太平界之牛泉山。北出一支。入本縣境為五溪山。北行轉西。循太石界。盡於太平美溪與本縣船溪會流之大河口對岸。中途東北伸出一支。經蓋山而盡於清溪河。

石埭縣山川志稿

一

A 215490

與余溪河會流之夏村對岸。大幹循黟太界東行爲羊棧嶺。北出一支。經太平之綬村嶺。轉東北入本縣境爲穰嶺。西經松嶺盡於余溪東岸之船渡浦。東經蘆嶺起蘆山。盡於舒溪之右。以上山脈。障蔽本縣東南。以簞起東南諸山。復自釣魚嶺分出迤北行。折而西經祁太交界之禾戍嶺。至祁石交界之大洪嶺。乃分兩大支。一支北行。繞太平之翠林入本縣境。經石門嶺迢遞而至稠嶺。北出東轉起七井山。西出起杉山。而盡於石貴交界之虎嘴渡。以上山脈。障蔽本縣西北。以簞起西北諸山。正支由七井山東行。至石貴交界之考坑山。東南出一支入本縣境。經卸甲嶺而盡於王村河與清溪河會流之周家坦。以上山脈。橫亘本縣中部。以簞起中部諸山。東北行入青陽境。西北出一支。曰美人峯。至東巖北出一支。爲九華山。又東北經五老峯。東南出一支。入本縣境爲雨臺山。而盡於七溪河與舒溪河會流之西山。又東北行至分流嶺。西南出一支。經革山入本縣境爲疏瀆嶺。而盡於舒溪西岸之石壁山。東南出一支。經泥田嶺入本縣境起黃城峯。西經遞暑嶺轉南起古山。而盡於舒溪北岸之金城山。東經九鳳嶺轉南起陵陽山。爲縣治之北障。

以上山脈障蔽本縣東北。以聳起東北諸山。一支（大洪嶺）西行。經祁石交界之小櫟根嶺（俗名主公嶺）北出一支入本縣境。經流沙嶺而盡於鴻陵溪與璉溪會流之許家。又西行轉北起櫟山。東盡管溪與鴻陵溪會流之下之釣魚台。西盡貴池恭澗河與本縣鴻陵溪會流之香口。正支折西南至祁貴至交界之櫟根嶺。分支北出。經貴至交界之石門嶺入貴池境。經古牛岡至黃山。東出一支。入石埭境爲西峨山。東沿柏山渡以盡於香口。北盡於貴池杏溪與本縣鴻陵溪會流之望仙街。北出一支。循石貴界梓桐嶺而盡於達坑之天平山。以上山脈。障蔽本縣西南。以聳起西南諸山。四封之內。千巖競秀。萬壑奔流。奇景勝蹟。美不勝收。茲依次而詳之。

東南諸山

(一)自黟太交界牛泉山分支北出入境之五溪山脈

五溪山脈。爲牛泉山北出分支。北行轉西。循太石界而盡於太平美溪與本縣船溪

會流之大河口對岸。中途東北伸出一支。入本縣境起蜈蚣尖。而蓋山。騎龍山。發露山。盡於夏村對岸。分太平之美溪與本縣之余溪水。東行轉北。爲界太石之余嶺。分太平之郭村與本縣之余溪水。

五溪山 在縣治南一百二十里。延袤百里。高可千仞。上有五溪。合流而下。境甚

幽僻。土甚肥饒。中多巨木。山皆產茶（姚纂舊志）

蜈蚣尖 在縣治南四十里。石壁嶙峋。迤東盛家嶺。爲通屯溪要道。（採訪增補）

蓋山 在縣治南三十里。屹立河濱。端圓如蓋。有舒姑泉。（池州府志）

騎龍山 在縣治南二十餘里。東端伸抵舒溪河畔。狀如行龍。（據姚志舊圖增補）

發露山 在縣治南二十里。山巔霧氣常聚。故名。（採訪增補）

余嶺 在太平西南。本縣東南。一曰蛇嶺。（據安徽全圖姚志舊圖增補）

(二) 自黟太交界羊棧嶺分支北出入境之穰嶺山脈

穰嶺山脈。爲羊棧嶺北出分支。西經松嶺串西坑岡轉北而起鳳城山。盡於舒溪東岸

之船渡浦。分松坑與穰嶺北水。東經蘆嶺起蘆山。東行轉北至旌嶺。北出而起南安山。鳳凰山五老峰。盡於縣治之舒溪南岸。分前溪與唐家坑水。西出經芝嶺而起駝山。迤北爲回隴嶺。盡於舒溪東岸。分葉溪與笏裡坑水。

穰嶺 在縣治南三十五里。隋總管左難當束草穰置水中。禦敵制勝。遂更爲穰溪。而溪則自此嶺發源。並名其嶺。(姚纂舊志)嶺下楊仁山先生故居在焉。松嶺 在穰嶺之西。嶺南即松坑。產木材。(據姚志舊圖增補)

西坑岡 在縣治南三十里。東起松嶺。西連鳳城山。儼如天然屏障。(採訪增補)

鳳城山 在縣治南三十里船渡浦。清溪繞其左。蓋山障其前。玉几環其右。中峰挺立。兩阜相翼而下。如鳳展翅然。西南石崖下有船渡潭。石壁削成。深不可測。山麓有玉泉。冬溫夏涼。飲之可療腹疾。(姚纂舊志)

蘆嶺 在穰嶺之東。(採訪增補)

蘆山 在縣治南十五里。南接穰嶺。東訖鳳凰山。峯巒迢遞。山深林密。隱者多

石埭縣山川志稿

六

結廬於此。(姚纂舊志)

旗嶺

在縣治南十里。昔曾立寨建旗於此。(姚纂舊志)

南安山

在縣治南三里許。有宋崇明寺。寺後有龍頭泉。(池州府志)

鳳凰山

在縣治南三里。山勢龍從。羣巒翼然。居中一峯秀拔。迎拱於縣治之南。

若鳳凰振羽之狀。山原因勇戒禪師肉身塔在此而建。有勇戒庵。後廢。清光緒年間復建鳳池寺。殿宇輝煌。爲邑人倪久香陳夢樵汪少川等所倡建。倪乃近代書家。有遺墨多冊印行者。全山松柏萬株。四時青翠。春秋佳日。

遊人甚衆。(據姚志增補)

金華山

俗名釘耙山。在鳳池寺之東。邑人徐平軒兄弟奉令於民國十九年。爲其母楊太夫人。建徐楊賢證廟。更名金華。廟內設佛學圖書館。由邑人陳正有

捐助內典萬冊度藏於此。(增補)

五老峯

在縣治南二里舒溪南岸。北向。(池州府志)

芝嶺 在縣治南五里。相傳竇仙令採芝處（姚纂舊志）嶺巔有石亭一座供行人憩足

駝山 在縣治南十五里。氣勢奔突。狀如負重。（姚纂舊志）

回驢嶺 在縣治南十里。四山環抱。行於其間。有路轉峯回之妙。相傳羅昭諫（隱）

騎驢訪杜彥之（荀鶴）值嶺上而返。故名。（池州府志）

西北諸山

（三）自祁石交界大洪嶺分支北出之桐嶺山脈（杉山一支）

桐嶺山脈。爲大洪嶺北出分支。大洪嶺自祁石界入本縣境起鷹嘴巖。東北行經牽牛

岡繞太平之翠林。西入本縣境起琅山。折而北至卓珠嶺。分爲二支。西行轉北。經

清風嶺而盡於鴻陵嶺。分璉溪與琅田河水。東行。經石門嶺串三十六岡而盡於小溪

。分船溪與小溪水。正支中途自桐坑西北伸出一支。爲桐嶺山脈。又北行轉東起七

井山。西出一支爲杉山。

大洪嶺 在縣治西南一百三十里。高六十仞。南通祁門界。（姚纂舊志）

鷹嘴巖 在縣治西南一百三十里。山石峻削。崖壁產石耳。土人恆繩身取之。石壁有古柏十餘株。(採訪增補)

牽牛岡 在鷹嘴巖東北。此山脈分太平之江溪與本縣之鴉坑水。(採訪增補)

琅山 在縣治西南一百二十里。山多鈔石。農民取煉石灰。爲附近稻田惟一肥料。
(採訪增補)

卓珠嶺 在琅山東北。(採訪增補)

清風嶺 在縣治西南九十五里。(姚纂舊志)

鴻陵嶺 在縣治西南一百里。石壁峭拔。不可攀躋。上有白羊崖白色。其形似羊。
下一石竇。常有紫氣見。鴻陵溪經其麓。(池州府志)

石門嶺 在縣治西南一百一十里。通太平界。(姚纂舊志)

卅六岡 在縣治西六十里。列障如屏。(採訪增補)

稠嶺 在縣治西八十里。爲黃山九華間之大分水嶺(據姚志增補)

杉山脈。爲七井山西出分支。西南行。南出一支循關頭而南。分岷峽之而小水。又西南行。南出一支爲蓮台山。盡於釣魚台。分璉溪與歷壩水。轉西北行。南出一支爲高寶山。盡於柏山渡。分歷壩與貢溪水。又西北行。西南出一支爲慈雲山。分貢溪與重坑水。又轉北而西起杉山。而盡於虎嘴渡。

蓮台山 在縣治西一百里。上有古剎。產羅漢竹及紅魚。(採訪增補)

高寶山 在縣治西一百三十里。山頗高峻，貢溪之水出焉。(採訪增補)

慈雲山 在縣治西一百三十里。有慈雲洞。深可三四里。石乳凝結。有石磬石板。

擊之擘然。(池州府志)

杉山 在縣治西百六十里。高千餘仞。周五十餘里。僻處輿區。斗入天表。九華之勝以秀。杉山之勝以幽。山頂有唐開元初鎮國寺。義安禪師道場也。有峯七。曰待月。曰螺髻。曰寶柱。曰火流。曰雞足。曰丈六。曰伏牛。峯之最高曰鐘樓尖。可以遙見安慶金城及九華黃山。昔有李太白讀書堂。後

廢。民國十年後重建。宋西峯。明天童。均卓錫於此。（據府志姚志增補）

中部諸山

（四）自大洪嶺分支北出之稠嶺山脈（七井山一支）

正支由七井山轉東行。東南出一支爲新嶺。又東行。南出一支爲地嶺。迤東南。盡於小溪上之楊塢潭。分毛坦河與查上河水。又東行。南出一支爲壩山。分查上河之兩水源。又東行。西南出一支爲龍巖。分查上河與金竺坑水。又東行。西南出一支爲金竺山。分深龍坑與金竺坑水。迤南轉東。經卸甲嶺而起儲山。又東南。盡於鷺峯山。分清溪河與王村河水。正支又東行至石貴青交界之考坑山。迤東爲魚龍山。分溪源坑與青陽入境之雍溪水。

七井山 在縣治西七十里。北爲貴池縣界。其山延袤數十里。爲九華之祖。中有七井。炎暑多涼。異於他處。上有望江尖。竹木蒼翳。多產藥材。（姚纂舊

志)山產薏仁米。頗名貴。治足疾最有效。遠方爭來採購。(增補)

新嶺 在縣治西五十八里。(採訪增補)

地嶺 在縣治西五十三里。與卸甲嶺東西相對。中爲七都村。(採訪增補)

壩山 在縣治西五十里。有龍王洞。洞口有石壇。其平如掌。洞內有石鐘鼓石棋

枰之屬。洞前一潭。旱禱立應。(池州府志)

龍巖山 在縣治西五十里。筆峰相對衆峰中。獨挺尖秀如毛錐。巖峰與筆峰相連。狀如

巖頭。山石空洞。多竹木。泉由中出。一派東下。一派西流。名西溪。亦名龍巖

泉。清澈成巨川。溉田大旱不竭。太極岩在龍岩數里許。空洞可容數人。有石

門石台。中通一竅。上見天日。先名龍王洞。邑令黃鑿謂其夏涼冬煖。備陰

陽變化之神。內圍外通。有一本萬殊之妙。更名太極。(池州府志姚纂舊志)

金盆山 在縣治西四十五里。山頂有龍井。一名天井。從石壁百丈而下。始及泉。

汲以禱雨輒應(池州府志姚纂舊志)

石埭縣山川志稿

二二

卸甲嶺 在縣治西四十里。相傳唐宣池刺史查昱禦黃巾賊於此卸甲。故名。嶺下高路亭一帶。多製酒麴。爲各地釀製江米甜酒之用。行銷甚廣。(池州府志姚纂舊志及增補)

儲山 在縣治西四十里。由卸甲嶺逶迤復起。峯極靈秀。(池州府志)

鷲峯山 在縣治西南三十里。上有雲龍菴。地最幽僻。昔賢多讀書於此。(姚纂舊志)

魚龍山 在縣治西三十里舒泉鄉六都地。山最峻聳。下爲魚龍洞。嘗口一池。水紺

碧色。口內奇石嶙峋。如玉笋。如蓮花。如劍如戟。有玉柱。有芙蓉崗。

有鐘鼓石。有仙人棋盤。仙蛙。獅子竈。仙翁諸奇勝。凡七折。水漸狹則

起一石屋。寬廣可容百人。亦稍見天日光影。土人云。中有綠魚白鳥。歲

一見之。(池州府志)

正支自七井山至考坑山。轉東北行。入青陽境西北出一支。曰美人峯。至東巖北出一支爲九華山。

東北諸山

(五)自青陽九華山分支東南行入境之雨臺山脈

雨臺山脈。爲九華山東行幹脈五老峯所支出。東南行。經草山入本縣境。串萬覺嶺起雨臺山。西連華坑嶺。分青陽入境之雍溪河與七溪河水。

萬覺嶺 在縣治西二十里。(據姚志舊圖增補)

雨臺山 在縣治西十五里。高可千仞。有七十二折。望之如蓮汎水。向號蓮花峯。

頂平如掌。其山仰對黃山。俯臨清溪。秋霧橫鋪。如獅坐海中。名海獅山。五代時西峯禪師卓錫於此。建有海獅菴。一泉隨錫而涌。名龍井。亦曰西峯泉。後禱雨輒應。遂名雨臺。(池州府志姚纂舊志)

華坑嶺 在縣治西南三十里。爲夏村通雍溪捷徑。秋冬之交。徽屬農民赴九華進香者。多取道於此。(採訪增補)

(六)自青陽九華山分支東南行入境之琉璃嶺山脈

琉璃嶺山脈。爲九華山東行幹脈分流嶺所支出。西南行。由華山入本縣境。東行盡於琉璃嶺。西行轉南經霧露嶺盡於舒溪西岸之石壁山。分青陽入境之七溪河與嶽溪河水。

琉璃嶺。在縣治西北一十五里。兩山峙立。路從中通。巒翠重疊。林木鬱森。上有大士

閣及巖關。下有博古橋跨於澗上。佇立其間。儼在畫圖之中。民國二十三年新築殷屯汽車公路由青陽縣經此入本縣境。以達黃山而至屯溪。

石壁山 在縣治西五里。其麓雪潭。長廣數畝。深不可測。崖北一石巖斜入。土人云。可通大江。(池州府志)此地風景甚佳。夏日坐潭側。可以忘暑。

(七)自青陽九華山分支東南行入境之黃城峯山脈

黃城峯山脈。爲九華山東行幹脈分流嶺所支出。東南行。由太青交界之泥田嶺。入本縣境爲黃城峰。東行轉南。經九鳳嶺盤腸嶺起陵陽山。分太平長麥坑與本縣後溪水。西行轉南。經避暑嶺起古山。而萬春山金城山。盡於舒溪北岸。分本縣後溪與

青陽入境之嶽溪水。

黃城峰 在縣治北八里。形如方屏。（池州府志姚纂舊志）

九鳳嶺 在縣治北八里。嶺東爲太平界。嶺西爲青陽界。有九高阜騰霧而下。故名

。（姚纂舊志）

盤腸嶺 在陵陽山西北。（據姚志舊圖增補）

陵陽山 在縣治北五里。高三百五十丈。廣二十五里。三台鼎峙。俯臨舒河。又名

三台山。東一峰屬太平。西二峰隸本縣。俗稱此山爲天壽山。故邑人多壽

。其中峰之巔有明畢尙書恭介公墓。松柏蒼蔚。中峰之半有（一）丹臺。高

二百餘丈。相傳漢陵陽令竇子明煉丹於此。故以之名山。唐天寶中建仙壇

宮。今廢。宮上有石七拳。散布若斗宿。名七星石。（二）陵巖泉。自石罅

涓涓流出。色微紅如淡硃砂。甘冽迥異他水。即丹井。郭璞詩所謂「陵陽

挹丹溜」及「陵陽宜丹砂」者即此。而山麓平田之間。有黃鶴池。竇令升仙

所也。旁有白鶴墩。傳子明升仙時白鶴翔舞其上。至中峯之西有觀音石。

遠望之如大士趺坐普陀陁上。(池州府志姚纂舊志)

避暑嶺 在黃城峯西。(據姚志舊圖增補)

古山 在縣治西五里。中一峯卓立。與鳳凰山黃城峰相對。(池州府志姚纂舊志)

萬春山 在縣治西三里。圓墩小阜。纍纍如走珠。有松萬株。其陽爲塔兒嶺。(池

州府志)

金城山 在縣治西二里。爲縣之虎山。翼衛縣治。有宋開福寺。並丁恭懿公輔墓(

池州府志姚纂舊志)

西南諸山

(八)自祁石交界大洪嶺分支西出之櫟山山脈

櫟山山脈。爲大洪嶺西出分支。自大洪嶺循祁石界之小櫟根嶺(俗名主公嶺)西行。

北出一支。入本縣境爲城子山。盡於城安下首。分筋竹坑與秋風嶺水。又西行。北
出一支爲古一山。而流沙嶺葛道嶺。盡於深渡。分管溪與琅田河水。又西行轉北。
經赤嶺而起櫟山。界石埭貴池而西轉。經大小遊嶺。沿鴻陵溪南岸。盡於唐村河東
岸。分本縣管溪與貴池唐村河水。

主公嶺 在縣治西南一百三十里。一名敦主嶺。(採訪增補)

城子山 在縣治西南百二十里。環繞如城。山前有紫潭。邑人明進士吳必顯所居也。
。建有紫潭書院。(姚纂舊志)

古一山 在縣治西南百一十里。明儒桂大璉築室習靜於此。(採訪增補)

流沙嶺 在縣治西南百餘里。下有清水泉。遇旱益湧。值暑益寒。居民行旅便之。

(姚纂舊志)

葛道嶺 在流沙嶺東北。峯巒迢遞。盡於深渡。(據姚志舊圖增補)

赤嶺 在縣治西南百二十里。高三十仞。周十五里。西通祁門界。舊名血嶺。唐

改今名。祥符經云。昔人爲梁取魚。魚不得下。遂夜飛越嶺而去。人復張網嶺上。飛不得過者化爲石。過雨則赤。吳郡賦云。文縮夜飛而觸綸。蓋此類也。〔據姚志增補〕

標山 在縣治西南一百二十里。高五百丈。周九十里。周界貴池祁門石埭。石壁

削削。中有龍池。可百畝。池右二石。高丈許。直裂爲二。中擊一石如丸。下有鏡石。縱橫二丈。光明可鑑人物。弘治年間。有牛觸影而死。牧童積薪焚之。遂暗。踰數十年仍復舊觀。其麓名上貨殖源。有巨石形如碑立。貴池石埭以此分界焉。〔池州府志姚纂舊志〕

(九)自祁貴至(至德縣)交界樛根嶺分支北出入境之西蛾山山脈

西蛾山山脈。爲樛根嶺北出分支。大洪嶺正支西行轉南。至祁貴至交界之樛根嶺。

分支北出。經貴至交界之石門嶺山脈東北行。入貴池境。經古牛岡至黃山。東出一支。入本縣境爲西蛾山。分支北行。經廬嶺爲殿子山蓬山。而盡於望仙街。分本縣

鴻陵溪與貴池杏溪水。東行爲南山桑塘山楊山掘珠嶺。沿柏山渡以盡於香口。

西蛾山 在七里。鎮名在縣西一百四十里。桑塘之左。一曰蛾眉山，一曰西山。一曰

蛾山。山麓田中有金釵井。唐桂盛女盡節處。（池州府志）

處嶺 在七里。爲舊縣西門。高數百丈。嶺西爲貴池界。有潮洞。泉如潮涌。口

外一石坎。大水汎濫。常有巨魚蘆梗。隨之而出。「池州府志姚纂舊志」

殿子山 在處嶺東北。一名東山。又名輦子山。桂氏所居也。「姚纂舊志」

蓬山 在七里瑯琊路下。山下有茅山。及斗婆山。斗婆山有八畝坦泉。石有二穴

如盤。泉停其中。大旱不竭。大澇不溢。一匊而一穴盡。盡則復盈。雖千

萬人可給。（姚纂舊志）

南山 在七里。舊縣治南門也。有丁香巖朱砂隴。宋清谷居士隱此。「池州府志」

桑塘山 在縣治西一百四十里。其峰凸周而凹中。植宜桑。故曰桑塘。其下有桑塘

洞。不甚隘而邃。山僧設梯上下之。又有焦洞。石廳成龕。又有桑塘泉。

淪茗數日不變色。不若他泉隨淪隨滌。亦一異也。(池州府志姚纂舊志)

楊山 在南山之左。峰巒起伏。如馬馳猿掛之狀。其下有冰洞。寒暑異候。亦名

冷緩洞(池州府志)

掘珠嶺 在七里。舊縣東門也。其右石燕洞最深廣。有石獅石虎石榻。(池州府志)

(十)自祁貴至交界纏根嶺分支北出入境之梓桐嶺山脈

梓桐嶺山脈。爲纏根嶺北出分支。經古牛岡至黃山。北出一支。循石貴界西行轉北

。爲梓桐嶺平風嶺。盡於河口。分梅溪與達坑水。又西行轉北。起黃柏山天平山。

分達坑與黃石水。

梓桐嶺 在縣治西一百六十里。西爲貴池縣界。(據姚志舊圖增補)

平風嶺 在縣治西一百六十里。(據姚志舊圖增補)

黃柏山 在縣治西一百七十里。達坑之水出焉。迤西分水嶺。爲通省會要道。(據

姚志舊圖增補)

天平山 在黃柏山北。一曰太平山。登其巔。可望長江。(姚纂舊志)

水系

黃山之脈。自祁石交界之洪嶺北行。入本縣境。屈曲轉東而北。經稠嶺起七井山。東北行入青陽境。歷白沙嶺以連結於九華山。本縣介此兩大山脈間。遂成黃山北九華南諸水傾注地。而以稠嶺爲分水。自此以東爲本縣外鄉之水。盡匯舒溪河。下達青弋江而注於長江。以西爲本縣裏鄉之水。盡匯鴻陵溪。下達池河而注於長江。茲分二節述之。

第一節 稠嶺以東之舒溪河

舒溪。收王村河清溪河余溪河三河之水。王村河出縣西北。曰溪源坑。清溪河出縣西南。曰船溪。余溪河出縣東南。曰五溪。茲以余溪爲舒溪正源。而依次詳之。舒溪河正源。出縣東南之五溪山。北流。右納太平出羊棧嶺之郭村水。屈曲轉東至緩口。有太平出棠梨嶺北之澗村水合緩村水。及本縣松坑水。北流來入。又東北至高橋。左納樞坑水。又東北至

船渡。右納烏木坑水。左納舒姑泉水。(舒溪得名本此)又北至烏石隴。右納種嶺蘆嶺兩水。又北至夏村。右納葉溪水。又北半里許。清溪河與王村河自西合流來會。(以上余溪河源委)清溪河出縣西南之琅山。東流。繞石門嶺入太平境。至湖田。右納太平出禾成嶺之江溪水。轉東北回本縣境。經船溪孫家下流。左納桐坑水。至大河口。有太平出黟縣葉村之美溪。西北流來入。又東。納太平出黟縣章嶺之宏潭水。又東至小溪。左納查上河與毛坦河會流之小溪水。又東北至夏村對岸。與王村河會。(以上清溪河源委)王村河出縣西北溪源坑。東南流。經銀村堤湖而至迎坦。左納青陽入境之雍溪合本縣魚龍洞水。又東南。繞華坑嶺至夏村對岸。與清溪河會。(以上王村河源委)同趨東北。約里許。與余溪河相會。故其地曰三河口。三河既合。即爲舒溪。北流轉東。繞回驢嶺至西山。左納青陽入境之七溪河。又東北。右納笏裡坑水。左納代坑水。轉東至柳村。左納青陽入境之嶽溪河。又東至上坦。右納唐家坑水。又東至縣治南門外。右納南安坑古芒坑會流之前溪水。至東門外。左納後溪河水。又東至陵灘頭。入太平界。下流合太平涇

縣南陵宣城諸山之水。至青弋江鎮。遂名青弋江。東北至蕪湖縣沿南河口市。注於江。

舒溪

原名旋溪。古涎溪也。(即漢桑欽水經旋溪)後以蓋山舒氏三女化於此。更名舒溪。溪上永濟長橋。由邑人陳劭吾等捐資倡義用鋼骨水泥建築。民國

十四年造成。費金千餘萬。爲皖南巨工之一。(據池州府志姚纂舊志增補)

五溪 出縣南五溪山。五水合流而下。由余溪歸於舒溪(池州府志)

樞坑

出縣南蜈蚣尖。東南流至高橋。入余溪河。坑上建有卷洞石橋二。沿坑諸

山。多產茶。(採訪增補)

穰溪 出縣南穰嶺。西北流。左納徐村水。至烏石隴。入余溪河。溪上建有卷洞

石橋三。(採訪增補)

葉溪 出縣南蘆山。自三都西北流。經高城至夏村。入余溪河。溪口千秋橋。明

嘉靖三十六年所建。(採訪增補)

船溪 出縣西南石門嶺。下流由清溪河歸於舒溪。經縣前至蕪湖入江。(姚纂舊

志)

石埭縣山川志稿

志)

查上河 出縣西北七井山。自查上東南流至窰村。左納考坑及時門河水。又東南至

老莊里。左納金竺坑深龍坑會流之水。又東南至楊塢潭。與毛坦河會。稱

南至小溪。入清溪河。(採訪增補)

毛坦河

收岳嶺稠嶺之水。至河口會合。東南流。左納白水坑水。繞新嶺至楊塢潭

與查上河會。轉南至小溪。入清溪河。河口及小溪。均建有卷洞石橋。民

國成立後所築也。(採訪增補)

溪源坑

出縣西北七井山。自腦里經銀村。收卸甲嶺老坑嶺諸水。東南至迎坦。與

雍溪會。下流由王村河歸於舒溪。銀村卷洞石橋。建造甚古。考坑嶺水泥

平橋。民國十四年所建也。(採訪增補)

雍溪河

在縣西三十里。以水甚湍急。明宏治中郡守陳良器橋於其上。邑人陳廷立

記。清末復更造之。溪水出青陽之三溪山。東南流入本縣境。右納魚

水。轉西南。經雍溪街至高家溪。收冷水坑大塢坑裏雙坑諸水。下流至迎坦。與溪源坑會。趨東南。入王村河。(據池州府志增補)

七溪河

出青陽三溪山。東南流。自蝦泥嶺入本縣境。經霧鬢嶺脚轉西南。右納梓裏坑水。下流至西山。右納楓林坑水。而入舒溪。霧鬢嶺脚。建有石板平橋。萬覺嶺梓里坑上。建有卷洞橋。(採訪增補)

綠溪河

出青陽分流嶺。東南流。自琉璃嶺入本縣境。經金城山之西。下流至柳村。入舒溪河。琉璃嶺脚之博古橋。建造甚古。夾溪。六松居。建有卷洞高橋。均爲交通要道。(據池州府志姚纂舊志增補)

前溪

南自太平界出南安。經鳳凰山之東。西南自五老峰。東南自古芒山。三水合流。奔赴縣治。入舒溪河。溪口建有水泥平橋。曰兼濟。(據姚志增補)

後溪

東自九鳳嶺北自黃城峰分派而來。穿縣城東北隅。入於舒溪。(姚纂舊志)

第二節 稠嶺以西之鴻陵溪

鴻陵溪源有三。東北出七井山及石門嶺。爲璉溪河。東南出大洪嶺。爲琅田河。西南出赤嶺。爲管溪河。茲以琅田河爲正源。從大洪嶺北鵝坑起。而依次詳之。鴻陵溪正源。出大洪嶺北。爲鵝坑水。東北流。右納菖蒲桃灣兩小水。出剪刀峽。轉西。右納撒銀坑山後諸水。經雷湖至城安。左納筋竹坑水。折而北。至河坦。左納秋風嶺水。右納蘆菘溪水。又北至琅田。右納鳳凰嶺。左納流沙嶺諸小水。又北至車田。右納青風嶺水。又北經鴻陵嶺脚。右納鴻陵嶺水。遂名鴻陵溪。又北出鴻陵口。與璉溪河會。(以上琅田河源委)璉溪有二源。一出七井山龍井。爲大宇坑。左納稠嶺水。西南流。一出石門嶺脚。爲石門坑。西北流。於關關頭相會。爲璉溪。向西流。左納荷溪水。又西至鴻陵口。與鴻陵溪會。又西至港口。與管溪河會。(以上璉溪河源委)管溪出縣西南之赤嶺。爲赤嶺坑。東北流至曾家。右納河嶺坑河。轉北出大洪峽。經田家樂。左納樸山黃梅坑水。又北至沙澧。左納血嶺水。又北至港口。與鴻陵溪會。(以上管溪河源委)三河既合。遂趨釣魚台。下隸石。屈曲而西。經大小激嶺。右納歷溪疏溪兩水。又西至香口。有貴池

出樺根嶺之恭澗河。北流來入。又西過柏山渡，右納貢溪水。又西繞掘珠嶺至七里。右納沿坑水。左納南山塢水。又西至望仙街，有貴池出龍頭山之杏溪水。北流來入。又西至陽坑口。左納梅溪水。轉北過雞兒灘。左納達坑水。又北。右納重坑水，又北至溝汀。右納溝汀坑水。又北至斗坑街。右納斗坑嶺水。又北。左納黃石水。至虎嘴渡。入貴池境。合龍舒河及秋浦諸水。至貴池縣沿西北之池口。注於江。

鴻陵溪 在縣西南一百二十里。其源出祁石界之大洪嶺。西北經雷湖城安琅田出鴻陵口。合璉溪。至港口。合管溪。經隸石。達貴池之池口入江。（池州府志姚纂舊志）

蘆蕩溪 出縣西南琅山。自盤頭嶺脚西流。經上下張至河坦。入琅田河。中部蘆蕩橋。爲入徽要道。（採訪增補）

璉溪 在縣西南一百里。其源有二。一自大宇坑三十里至。一自石門坑十五里至。合二流達五里許。會鴻陵溪。又五里許會管溪。流出隸石。經貴池達池

口。入於江。(姚纂舊志)

荷溪 在縣西九十餘里。其源出關關頭西北之大嶺。西南流入於璉溪。溪口建有

卷洞石橋。爲通橫船渡要道。(採訪增補)

管溪 在縣西一百七十里。其源出太平鄉歷山下。東北流。三里至埭透坑。八十

里併合貢溪。達貴池縣池口。入於江。(姚纂舊志)

歷溪 出縣西百二十里之橫山。西南流至廣平。入鴻陵溪。(採訪增補)

疏溪 出縣西百二十里之獅馬嶺。自盤村西南流至橫船渡。入鴻陵溪。溪口有慧

照古寺。(採訪增補)

貢溪 出縣西杉山。自桐坑西南流。左納高寶山水，經上灣至巖下。入鴻陵溪。

唐天寶中。曾置倉儲粟膳僧。水西流。入貴池之秋浦。(據池州府志增補)

梅溪 出縣西梓桐嶺。東北流。經板壁至陽坑口。入鴻陵溪。(採訪增補)

遶坑 出縣西黃柏山。東北流至河口。經平風嶺脚。入鴻陵溪。坑上建有卷洞石

橋二。爲通省會要道。(採訪增補)

附 錄

按雷湖胡氏宗譜形勝紀。敘述本縣西北諸山脈絡。及鴻陵溪源委。頗爲詳明。爰將原文刪正風水迷信之說。附錄於後。以爲本篇之參證。

本族四山環拱。來脈甚遠。從福建仙霞嶺分脈入婺源。其間山名。不可勝述。自黟之楠木嶺過脈。及黟之西武嶺。祁之虎嶺分水嶺。起本縣鷄冠尖。而山勢分爲兩大枝。東一枝起城頭山。落下平洋。向北行。串長腰嶺。起楊巔山。古金嶺翠嶺。又落平洋。穿田歷凌冢。降起獅子尖。又落平洋。白栗灘穿田伏脈。起盤頭嶺。(俗呼平頭嶺)正幹起南山。一曰琅山。歷卓珠嶺石門嶺。迢遞至稠嶺起七井山。分二枝。一枝去貴池縣。一枝結九華山。其從分頭嶺(按即分流嶺)東去者。分入石埭南陵銅陵繁昌等縣。至魯港。與蕪湖相對而止。其從城頭山分支者。入太平美溪東保籃湖等處。其從楊巔山分支者。入東坑石

岡嶺江溪等處。其從翠嶺分支者。入太平柯村石雲等處。其從卓珠嶺分支者。起清風嶺。直抵璉溪。其從石門嶺亘十餘里分支者。入歷珀貢坑橫船渡香口等處。其從七井山分支者。在石埭縣南。入七都六都等處。北結杉山。入溝汀黃石等處。在貴池入石門塘河白洋龍鬚河等處。至若鷄冠尖分脈者。西一大支落大洪嶺。分支入祁門縣。正幹起望江尖。經救主嶺秋風嶺起歷山。分入浮梁縣饒州府鄱陽郡昌湖口彭澤及建德東流等縣。下達貴池之黃盆殷家匯舞鸞鄉。抵池口而止。其從救主嶺分支與歷山分支者。凡城安琅田古樓墩田家樂深渡等處諸山。皆爲其所統攝焉。

本族四水所聚。其源不一。自大洪嶺來者。歷鴉坑鴉源。出磨房塢。流向村之下首。其自城頭山向西來者。出谷子埭。歷潘家河灘坡上。與大洪坑水相合。其自城頭塢向北出者。過徐溪里。與自上際來者合流。落菖蒲嶺。出宋家塢。抵潘家河灘。與前水相合。到坡上。同會大洪坑水。其自桃灣來者。落亂石窠。出牛欄塢。抵村頭。與大洪坑諸水相合。其自翠嶺來者。出撒銀坑。下翟家坂。合土峯裏水。過裏荒田。穿桂家石橋。至

裏屋蕭門首。其自白栗灘來者。落方家嶺。歷山後坂。出蕭家坑。至蕭門首。會翠林水。合流入雷湖坂。至雷輿壩。曲折繞村。從湖溪橋抵高義墩下。與大洪坑城頭塢桃灣諸水。併合以去。其近村有七里坑。併村左桑園塢。村右下方冲各小水。俱入門前一溪。而又有所謂中河者。則屬雷輿壩分流。而統會於湖溪橋者也。諸水會聚於高義墩下。向南折西。匯爲鷓鴣潭。過楓樹林相家坡八都坂落馬嶺。十里達城安。會金竹坑水。又會陳家坦水。過大北田修石。二十里至琅田。歷曹村車田毛家坦。四十里抵鴻陵口。與璉溪水相會。過深渡至港口。與歷山管溪河水相會。同出釣魚台。埭上則五十里也。由是繞過大遊嶺。會歷珀水。達過小遊嶺。會彭村流坑水。六十里至橫船渡。過青草培抵雙河口。七十里與公澗河相會。過香口巖下。附入貢坑沿坑二水。達掘珠嶺。八十里到七里。歷班亭渡。又附入杏坑宋坑水。九十里陽坑口。又附入板壁水。一百里鷄兒灘。又附入蓬坑水。一百一十里溝汀。一百二十里黃石。出虎子渡。以外則屬貴池境地矣。一百六十里殷家匯。又六十里抵池口。入江。

石埭縣山川志稿

6

752913
(S)

72.2239

79 (S)